

明代傳記叢刊・名人類⑱
周駿富輯

國朝名臣言行錄

四卷

(明)劉廷元訂

明文書局印行

原書係國立中央圖書館所藏
承蒙惠借影印，謹此致謝。

wt73/09

刻劉直指參



國朝名臣言行錄



昔子輿氏謂待文王而興
者凡民也若夫豪傑之士
雖無文王猶興而子輿氏
生當戰國功利之時獨能

揭仁義以詔當時覺來世
翹然自別於流俗可不謂
豪傑乎哉乃其興也無論
三遷之教受變於齠齡即
其親炙子思之門而曰予
未得爲孔子徒也予私淑

諸其人也則烏乎爲無待
故夫陶人善陶必待型而
後其器成冶人善冶必待
範而後其鑄精士君子雖
善學亦必典刑在望私淑
得人而後其興也爲有藉

予同門友方瀛劉公方在
蓬壘之中學古尚友非三
代人物不足入其品題間
嘗取我

朝名臣言行錄閱之嘆曰舜
有五人武稱十亂未有彬

彬彬郁郁若此其盛者孰謂
古今人不相及也於是窮
搜博採廣詢周諮於名臣
言行闕其疑而補其漏增
其美而核其真參訂成錄
景行仰止私之篋中有日

茲以直指按部吾郡凡所
爲懲貪獎廉鋤強扶弱自
恒山而南大河以北一路
號爲澄清顧尤加意於興
賢育才捐贖鍰增修書院
羣博士弟子於其中擇師

課藝教化大行文運維新
然猶慮文章功業名理懿
德或岐於一偏而不能融
爲共貫即不可以語豪傑
世道於若人何賴焉因出
是錄爲多士司南爰命剞

厠以傳而屬予言弁其首
簡予聞人才之盛衰關治
化之污隆洪惟

二祖肇造於前

列聖績服於後其間翊扶匡濟
之臣黼黻贊襄之佐忠鯁

節義之流理學淵源之輩
炳炳朗朗載在史冊者不
直與臯夔稷契周召畢呂
同一軌轍輝映無窮乎雖
其應運而起乘時而奮原
具有豪傑之資而當日作

養之勤培植之厚又焉可
誣耶夫

國家當豐亨豫大之時固不
可無豪傑以贊休明值內
外多難之際尤不可無豪
傑以計安攘今承平既久


玩弛成風官僚廢缺而不
補紀綱紊亂而不修夷虜
交關兵將俱殞彼請長纓
以繫單于之頸者何人哉
豈堂堂全勝之天下乃無
終軍其人而令

聖主獨抱東顧之憂也予故爲
豪傑之說爲觀感興起者
之一助倘多士而有味其
言將處爲名士出爲名臣
庶於劉公造就雅意爲不
孤云

賜同進士出身右春坊右贊善
兼翰林院檢討同修

國史直

起居注編纂章奏承務郎治年
弟魏廣微頓首拜撰



049-016